

## Hildako fededun guztien oroipena (Azilak 2)

### Sarrera-oharra

Senideok: gure hilak egunero gogoratzen doguz mezako une baten, eta euren alde otoitz egiten. Baina aspalditik dogu Elizan beste ohitura hau ere: egun baten gogoratzea hildako guztiak. Hori eginez zera esan nahi dogu: gure artetik joan diran arren gure arteko loturea ez dela eten. Eta hori Jainkoari esker dogu, bere Semeagan agertu deuskun biztueran berak hartzen gaitulako betikotasunerako.

Eukaristia honetan, ba, hildako guztien alde otoitz eginez batera, eskertu deiogun gure sinismena, eta goretsi daigun Jainkoaren errukia.

ABESTIA: ZURE ETXERA GOAZ, JAUNA.

### Abadearen agurra

† Aitaren eta Semearen eta Espiritu santuren izenean.

—Amen.

† Jainko Aitak bere Semeagan seme-alabatza emoten deusku Espirituaren indarrak. Haren grazia ta bakea zuekin

—Eta zure espirituarekin

### Damu-otoitza

Senideok: autortu daigun geure hilez bakarrik gogoratzea eta Jainkoaren errukian uste handirik ez izatea, damutasunez, Eukaristia honen hasieran:

AUTORTZEN DEUTSOT JAINKO GUZTIZ AHALTSUARI

Erruki dakigula...

## JAUNGOIKOAREN HITZA

### I. Irakurgaia (2Mak 12, 43-46)

Eskintzariak Jainkoarekin loturik gagozela adierazten dabe. Eta hilen aldekoak direnean, badogula zeozelango itxaropenik. Ez daigun uste izan, ba, mezak ordaindu egiten doguzenik; ikus daigun limosna horretan eskintzaria alkarregaz lotuago egon gaitezan. Entzun hori irakurgai honetan.

**Erantzun-salmoa:** ERRUKI HUTSA DOGU JAUNA, ERRUKIA TA MAITASUNA

### Ebanjelioa (Jn 6, 37-40) (11 / 1053)

Aintzat hartu daigun Jesusen irakatsia: bera da Aitak jarten deuskun bidea, eta beragan lortzen dogu salbamena. Jesusengana hurreratzen bagara (eta harek ez deusku ez dirurik ez ezelango gauzarik eskatuko ordain lez, esker ona baino) ez gaitu kanpora jaurtiko. Egin deiogun harrerea Aleluia abestuz, zutunik.

### Aleluia

### ESKARIAK († Abadeak; —Ohargileak)

† Bere Semeagan onartzen gaitun Aitari usterik onenaz zuzendu deioguzan gure eskariak:

— Elizearen alde: eliztar guztiok hartu daigun geure ama lez, eta ahalegindu gaitezan senidetasun loturak indartzen, gogoan izanik, hildako guztiak ere, eta ez bakarrik bakotxak bereak, **eskatu deiogun Jaunari**.

— Bakartadean bizi izan eta bakartadean hilik inork gogoratzen ez dauzen alde: egun honetan gure otoitzen alkartasuna eurekin somatu daien, **eskatu deiogun Jaunari**.

— Eukaristia, hilen aldeko opari lez baino hartzen ez dabenen alde: Jainkoak mezatan aurkezten deutsezan ondasunetara hurreratzeko gauza izan daitezan, **eskatu deiogun Jaunari**.

— Mezea bere hilen alde baino nahi izango ez leukenen alde: Jainkoak alkarren arduraz eta alkarregaz mahai bakar baten nahi gaitula onartzeko gauza izan daitezan, **eskatu deiogun Jaunari**.

— Eukaristiarako alkartu garenon alde: ikasi daigun Jaunaren Afarian eskuartzen, eta behartsu guztiekin bat egiten, **eskatu deiogun Jaunari**.

† Jainko Aita: biztu gudan biztuera itxaropena gure hilak zure altzoan ikusiz itxaropentsu bizi izan gaitezan. Jesukristo gure Jaunaren bitartez. AMEN.

**Eskeintza:** ORGANO

### **Jaunartzea**

Jesus, ogi bihurtuz, gurekin bat egiten dan lez, egin geintekiz bat geu ere behartsu guztiekin, eta baita bizitza hau itxita betiraunean sartu direnekin ere. Goazen, ba, alkartasunean Jaunartzen

**R/.** HAU DA POZA, HAU POZ HANDIA! EDERRA DA-TA ZUEN SARIA

Dohatsu bihotz barnez pobreak:

Haiena bait da zeruetako erreinua.

Dohatsu otzan eta eztiak:

agindutako lurraz bait dira jabetuko. R./

Dohatsu negarretan direnak:

gozotasuna izango dute Jaunagandik.

Dohatsu zuzen-gose direnak:

hoien goseak bere asean izango du. R./

Dohatsu errukior direnak:

ziur bait dute lortuko haiek errukia.

Dohatsu garbi diren bihotzak:

haiek bait dute Jaun zerukoa ikusiko. R./

Dohatsu pake-zale direnak:

beren izena izango dute Jainko- seme.

Dohatsu zapalduak direnak:

haiena bait da zeruetako erreinua. R./

Alaitu eta poztu zaitezte:

ederra bait da zuen saria zeruetan. R./

### **Azken agurra**

Jesusen Afaria ospatu dogunok egun baten zeruetako erreinuko mahai inguruan izango garela ospatu dogu. Itxaropen horretan bizi izan daigula egun hau, eta jakin daigula itxaropen hori gure ingurura isurten.